

POJAŠNJENJA NAČINA OBAVLJANJA PRIJEVOZA U/IZ/KROZ REPUBLIKU SLOVENIJU U POGLEDU POTREBE I VRSTE TRANSPORTNE DOZVOLE

Bosna i Hercegovina i Republika Slovenija, prema važećem Protokolu iz 2019.godine, razmjenjuju samo dozvole za prijevoz tereta u/iz trećih država, dok se bilateralni i tranzitni prijevoz tereta odvija bez dozvola (liberalizirano).

1. BILATERALNI PRIJEVOZI

· Za prijevoze iz Bosne i Hercegovine u Republiku Sloveniju ili iz Republike Slovenije za Bosnu i Hercegovinu nije potrebna dozvola.

2. TRANZITNI PRIJEVOZI

· Za tranzitne prijevoze kroz Republiku Sloveniju nije potrebna dozvola.

3. PRIJEVOZ U/IZ TREĆE ZEMLJE

· Za prijevoz u/iz treće zemlje prema važećem Protokolu iz 2019.godine, potrebna je dozvola za prijevoz tereta u/iz treće zemlje ili CEMT dozvola. Koja vrsta dozvole se može koristiti zavisi i od uvjeta ili eventualnih ograničenja u državi odredišta/polaska, kao i državama tranzita.

Napomene:

Dozvola za prijevoz tereta u/iz treće zemlje se može koristiti za jedan ulazak i za jedan izlazak pod teretom, bez vremenskog ograničenja, a u periodu važenja dozvole. To znači da se ista dozvola može upotrijebiti za jedan ulazak pod teretom i jedan izlazak pod teretom, pri čemu nije neophodno da izlazak slijedi ulasku, i obrnuto. Ulasku ili izlasku mogu slijediti i druge vrste prijevoza.

Primjer: *Vozilo je obavilo prijevoz iz Mađarske za Sloveniju, nakon čega je prazno izašlo iz Slovenije u Hrvatsku, odakle je obavilo prijevoz za Bosnu i Hercegovinu, te iz Bosne i Hercegovine je obavilo prijevoz u Sloveniju, gdje utovara i odvozi robu za Mađarsku.*

Na osnovu definiranih pravila korištenja slovenačkih dozvola za treće zemlje, u ovom primjeru, prijevozniku je dovoljna samo jedna slovenačka dozvola za prijevoz u/iz trećih država.

4. PRIJEVOZ NA OSNOVU CEMT DOZVOLE

Republika Slovenija je članica Međunarodnog transportnog foruma (ITF) i učestvuje u CEMT kvoti, te s tim u vezi, potrebno je imati u vidu osnovno CEMT pravilo da prilikom obavljanja prijevoza na osnovu CEMT dozvole, ista se mora nalaziti u vozilu od mjesta utovara do mjesta istovara (uz obaveznu evidenciju relacija pod teretom i bez tereta u CEMT dnevniku vožnji).

Pored toga, potrebno je imati u vidu ograničenja koja primjenjuju Austrija, Italija i Grčka, da vozilo mora izaći pod teretom iz zemlje registracije, da bi moglo obaviti prijevoz korištenjem CEMT dozvole na nekoj relaciji izvan zemlje registracije (npr. prijevoz iz Slovenije za Njemačku ili iz Slovenije za Italiju).

5. KONTAKT OSOBE PREMA VAŽEĆEM PROTOKOLU IZ 2019.GOD.

U važećem Protokolu Mješovite komisije iz 2019.godine, definirane su kontakt osobe zadužene za komunikaciju sa nadležnim institucijama svake od zemalja u pogledu eventualnih problema u međunarodnom cestovnom prijevozu putnika i tereta, i to:

- Za bosanskohercegovačku stranu:
 - Miroslav Đerić – miroslav.djeric@mkt.gov.ba Ministarstvo komunikacija i transporta Bosne i Hercegovine,
- Za slovenacku stranu:
 - Tanja Kocjanič – tanja.kocjancic@gov.si Ministarstvo infrastrukture Slovenije,

21.01.2022.godine

Pripremio,
Zijad Sinanović, dipl.ing.saob